

شرائط امترا

ولایتده ودرسمادته محل
اقامتلیسه کوندرك اوزره
سنه لکی ۷۰ اتی ایلی ۴۰
غروشه در اداره خانه دن
التق اوزره سنه لکی ۵۰
اتی ایلی ۳۰ غروشه در.
آپونه لر سنه ابداسندن
یعنی الی اوچنجی نوسرودن
اعتباراً برسنه لك ویاخود
التی ایلی اولورق قید
اولنور.

محل اداره سی

باب عالی جوارنده ابو .
السعود جاده سنه محمود بك
مطبعه سیدر .
امور اداره و تخیر بریه متعلق
خصوصات ایچون محدرضا
افندی نامنه مراجعت
اولنلیدر درج اولنلیان
اوراق اعاده اولنلار .
اداره خانه جمعه دن ماعدا
هر کون آجیقدر .

سید محمد علی خان
۱۳۰۷

مقالات علمی و فنی نك واسطه انتشاری ، كلزار اربانك مجلیه آتایر

Directeur Mehmed Riza

میری : محمد رضا

نومرو ۷۴

سر محرری : توفیق

نسخه سی ۵۰ پاره در



اخیراً برنجی رتبه دن مجیدی نشان ذیشانی والتون ایاقیت مدالیه سیله تطیف بیوریان خزیه خاصه شاهنه ناظری سعادتلو اوخانس افندی حضرتلی

رخشان عنوانی بر کجابه دن مفرز :

مهتاب عالی

..... ماهتابك -- بدرکامل حالده --

کره زمینی تنور ایتدیکی بر لیل صفا پرور
ایدی . کویا که کافه اشیا بر حس مجسم
کسیلمش ، کائناتی بر شوق لاهوتی ایچنده
براقیوردی .

آغاچلر ، یاراقلر ، چیچکلر بر ضوء
فیضا فیض ایچنده قالمش .. شو خاك مظلمه
بر سیلابه نور آقیدیوردی .

سطح دریاده جلومما اولان سروسیمین ،
سودا طاشیان کواکله حزن ایله مزوج بر
نشاط روحانی بخش ایدیور .. غرق انوار
اولان بحر ور -- بر برینه رقابت ایدرجه -
سته -- سمای نجم آلوده نظیره لر یاییوردی .
کوندزلی بر کسوه زرینه . کیجه لری
بر توب سیمینه یوریتن -- بر بدایع پرسته
کوره -- تماشا سینه طوبوله میجق درجه ده
لطاقلر کوسترن او آغاچلر ، او یاراقلر ،
او رنگارنگ زهره لر بر قیاق آی سکره هر
درلو احتشام ووزیتندن تجریده بر جامه ماته ..
بر کفن سفید فامه صاریله جق ، لسان حال
ایله مخلوقات فانی -- دنیاده الک حقیر
کوردیکمز -- خس و خاشاک ، ذراتک
بیله تحولات کونا کوندن قورتیله مدینتی
سویله جک ...

موسم بهارک ایلارلاق صبا حذرند ..
خوزشید شعله پاشک بر وضع شاهانه ایله
جهانی سیول انوارینه غرق ایتدیکی دملرده ..
سحر وقتلرند .. مقمر ، مکوکب لیال
ذی صفاده روح حزی -- فردوس برینده
تنفس ایدرجه سینه -- اراحه ایدن نسیم
حیات پرور بر قیاق آی سکره لطافتی ،
جیادتی ، اعتدالی غائب ایدرجه جک .. بر
صرصر رستخیز کائناتی صارصه جق ،
دکترلی سماواته ابریشدره جک ، اوکنه
راست کلن اشیایی -- باد برك کبی -- جو
هواده اوچوره جق ، جگرلری صیقلده جق ،
وجودلری طوبوندره جق .. انسانلری
صوبالر ، منقارلر ، اوجاقلر باشنه طوبولایه .

جق ، دنیاده نیران عالمی اخطار ایدرجه سینه
کواکله قسوت واضطراب ویره جک ...

طالعک قهر دهشت بار یله کر بیانه بر
حلقه سفالت طاقرق لیال صیفده سوقاق
اورته لرند ، ویرانه لرده ، قالدیرملرده
صبحا حلقه مجبور اولان .. مع مافیله هوانک
لطافتی ، موسمک مساعده سی جهتیله عالم
خوابده اولسون بر صفا ، بر راحت ایله
حیات فانیلری اکیال ایدن خانه بردوشلر ،
بد بخیر قیش کیجه لرند .. فورطنه ..
پورا هنکاملرند . التجا ایتدکاری جامع
حوایلرند ، دیوار دیبلرند ، خرابه لرده ده
بارینه میهرق حتی صربان وجودلرینک
اعضای سارمسی کی انجماد ایدن کربکری ده
بر برینه قاشدیرمه موفقی اوله مدقلمچون
عادتا جنم کوشه لرخی آره میجق ، آم نخمر
چکچک ..

وسائل معیشتی تأمیندن عاجز قالدقلمچون
خنده مسعودانه کی کریمه بد بختانه می تحویل
ایدرک شو مشاق آبادده هر دقیقه تنی موت
ایدن برعائله نکبت دیدم برشب بهارده نظر
دقه آلتشه اوقدر یأس ایله ، اوقدر
اضطراب ایله برابر -- هیچ اولمازسه
هوانک مساعده سینه مظهر بتلرندن طولانی
-- یوزلرند علامت تبسم .. قبلرند بر
مایه تسلی تحصیل ایدرده کنجلیرینک --
شدائد سفالتله -- مع الجبوریه صحائف دلدن
سیلککاری ماجرای محبتی ، لذا ئند سودایی
تخطرله طبیعی بر ترنمه ، حزن بر نغمه
آغاز ایتدکاری ، اختیارلرینک -- کرک
الجات ضرورت کرک سائقه شیخوخته --
دنیا دن اوصاندقلمی حالده بیله فکرلرند
منقوش اولان خاطرات ماضینی ، فصل
شبابک لطافتی بر نوبله اتخاذ ایدرک کندی
کندیرینه بالا اختیار برشیلر میرلاندقلمی
کویایلر ...

اونوطه دن ، یاخود اونوطه اوزرند
اجرا اولنان ترنماند استنباط معنی ایتدک
ایچون سکسان یاشنده بر پیر فانی اولق
ایجاب ایدر ...

وقتیه موسم بهارک الک شوق افزا

گونلرندن برنده (بقه جق) ده (آازمه)
دینیان موقع جنت مثالبه بر پیر ساحلورده
کوردمک بش اتی یاشنده بولان حیدینی
قارشوسنه آتش .. عصاصنه برعود
وضعیتی ویرمش .. دیکر الندمکی قاز توبی
ایله لایققطع عصایه اوریور .

قارشوسندکی چوجق ایکی تخت پارچه -
سی آتش .. بوبانی بر طرفه بوکمش ..
کلن طرزنده بالا فاصله بر برینه سوریور .
اختیار برشیلر ترنم ایدیور .. بر دقیقه
کلیورکه چوجق ده کندیرنه پیروک ایلور .
بر اهنک ذوقا ذوقدر کیدیور ...

هیچ شبهه یوق که اویر جوان مشرب
بر قیاق آی سکره کلبه سنک اوجاقی حجره سینه
التجا ایدرجه جک .. حرارت غریزه سنی
اساساً غائب ایتدک اولان وجود ضعیفی
آتشه صوقه سینه ایصنه میجق ، اوجاع
جسمانی سی .. آلام روحانی سی اشتداد
ایله جک ، عمرینک بر قسعی بلی بوکیلش ..
دیشی دوکیلمش .. کوزلی سونش بر حال
هولنا کده کیمر مکده ایکن بهساری ادراک
ایدنجه .. کلاری ، بلبلاری کورنجه --
حفره عدمه -- اوزاندینی آیقارلری صوک
درجه برقوتله کری چکچک .. بیک کریمه
دمادمه تنی موت ایدوب طور درکن سودالی
برکنج کبی عود چاله جق .. کلن چالدره -
جق .. شرقی سویله یه جک .. سویله جک ..
حالاک لطافتی .. استیلاک دهشتی بویه
بیک درلو آتاریله انظار ابصارده عرض
وجود ایدوب طور درکن معلم حیرتک :

کوندوزمی بو ، بویه شب اولورمی
روشن بوقدر عجب اولورمی
کوکدن یره نور اولوردی ریزان
یرشمده سمایه پرتو افشان
یارب نه قدرده نور طولمش
بیلمک که زمین سمایی اولمش

نشیده باغانه بیله توصیفه شایان اولان بویه
بر شب نور آکندن بن نیچون استفاده
ایتمه چکم ؟

§

.... سودالی کواکله مهتاب عالم لرندن